



**PARTNERS in D**

Pharmacists helping you get the most  
out of Medicare drug benefits

# Medicare Bahagi D 2010: Mga Katotohanang Dapat Mong Malaman

## Ano ang Medicare?

- Ang Medicare ay isang plano ng segurong pangkalusugan ng pamahalaan ng Estados Unidos. Ang Medicare ay sumasaklaw sa mga ospital, pang-medikal, at de-resetang gamot.

## Sino ang karapat-dapat para sa Medicare?

- Mga taong 65 taong gulang o higit pa
- Mga tao na permanenteng baldado
- Mga taong may sakit sa bato.

## Ano ang Medicare Bahagi D?

- Ang Medicare Bahagi D ay ang maikling pangalan para sa Saklaw ng Medicare para sa De-resetang Gamot (o Medicare Prescription Drug Coverage).
- Ang Medicare Bahagi D ay isang plano para sa de-resetang gamot na magagamit ng lahat ng taong may Medicare.
- Ang Medicare Bahagi D ay isang opsiyonal na plano kung kaya't kailangan mong magparehistro para sa plano upang makatanggap sa saklaw ng iyong mga de-resetang gamot.
- Kung nagparehistro ka para sa plano:
  - Maaaring magbayad ka ng halaga ng pera bawa't buwan upang maging kasapi ng plano (na tinatawag na *premyum*).
  - Maaaring magbayad ka ng halaga ng pera sa gastusin ng bawa't reseta na iyong pinuno (na tinatawag na *kasamang-bayad* o *co-payment*).

## Paano gumagana ang mga plano para sa de-resetang gamot?

- Kung nagparehistro ka para sa Medicare Bahagi D, kailangan mong pumili ng isang

partikular na plano para sa de-resetang gamot.

- Ang plano para sa de-resetang gamot ay isang plano ng seguro na tutulong sa iyo upang bayaran ang iyong mga de-resetang gamot.
- Depende sa kung saan ka nakatira, maaaring marami kang plano na mapagpipilian.

Nagkakaiba ang mga plano sa maraming paraan, kagaya ng:

- Ang mga de-resetang gamot na sinasaklaw ng plano (na tinatawag na *formulary*)
- Ang halaga ng pera na kailangan mong bayaran bawa't buwan upang maging kasapi ng plano (na tinatawag na *premyum*).
- Ang kabuuang halaga ng pera na kailangan mong bayaran bago magsisimulang bayaran ng iyong plano ang iyong mga gamot (na tinatawag na *kakaltasin* o *deductible*)
- Ang halaga ng pera na kailangan mong bayaran para sa gastusin ng bawa't reseta na iyong pinuno (na tinatawag na *kasamang-bayad* o *co-payment*).
- Ang listahan ng mga botika na makakapuno sa iyong mga reseta.
- Ang halaga ng dagdag na saklaw (kung mayroon man) na inaalok ng plano sa pamamagitan ng puwang ng saklaw para sa de-resetang gamot (o gap in prescription drug coverage) ng Medicare Bahagi D (na tinatawag na *doughnut hole*).

### Anong mga de-resetang gamot ang sinasaklaw sa ilalim ng Medicare Bahagi D?

- Ang bawâ't plano para sa de-resetang gamot ay nagkakaiba at sumasaklaw ng magkaibang gamot.
- Kasama sa bawâ't plano ang 2 gamot o higit pa upang gamutin ang isang partikular na problemang pangkalusugan. Halimbawa, ang bawâ't plano ay sumasaklaw sa 2 gamot o higit pa upang gamutin ang alta presyon.
- Sa iilang plano, maaaring may opsiyon ka upang magbayad ng dagdag na pera bawâ't buwan (ang iyong *premyum*) upang makatanggap ng mas maraming gamot kaysa sa sinasaklaw ng plano o magbayad ng mas maliit ng halaga ng pera (ang iyong *kasamang-bayad* o *co-payment*) para sa mga partikular na gamot.

### Paano ako makakapagrehistro para sa Medicare Bahagi D?

- Maaari kang sumali sa isang bagong plano ng Medicare Bahagi D o baguhin ang kasalukuyan mong plano sa mga partikular na panahon ng taon (na tinatawag na *bukas na panahon sa pagpaparehistro* o *open enrollment periods*).
- Ang paparating na panahon sa pagpaparehistro ay mula sa **Nobyembre 15 hanggang Disyembre 31, 2009**. Sa panahong ito, maaari kang pumili ng plano para sa 2010.

May iilang paraan upang magparehistro:

- Maaari kang bumisita sa website ng Medicare ([www.medicare.gov](http://www.medicare.gov)) at gamitin ang online na sentro ng pagpaparehistro.
- Maaari kang tumawag sa 1-800-MEDICARE (1-800-633-4227, TTY 1-877-486-2048) at makipag-usap sa isang kinatawan ng Medicare na nagbibigay serbisyo sa kustomer.
- Maaari mong kontakin ang kompanya ng seguro na nag-aalok sa napili mong plano at humiling na ipadala nila sa

koreo ang isang aplikasyon sa iyong tahanan. Maaari kang bumisita sa website ng kompanya ng seguro at maaaring makapag-aplay ka online.

### Kahit anong paraan pa ang gagamitin mo sa pagpaparehistro, kailangan mo ang iyong:

- Medicare kard o numero ng kard
- Ang petsa kung kailan una kang nagparehistro sa programa
- Isang listahan ng mga pangalan, mga dosis, at dami ng iyong mga de-resetang gamot
- Ang pangalan at lokasyon ng iyong napiling botika
- Ang zip code ng iyong tirahan.

### Ano ang puwang ng saklaw, o “doughnut hole”?

- Maaabot mo ang “doughnut hole” kung ang kabuuang gastusin ng iyong de-resetang gamot para sa taon ay nasa pagitan ng \$2,830.00 at \$6,440.00.
- Para sa iilang plano ng Medicare Bahagi D, kung naabot mo ang \$2,830.00, maaari kang magbayad sa buong halaga ng iyong de-resetang gamot.
- Kung ang kabuuang gastusin ng gamot para sa taon ay \$6,440.00, ang karamihan ng mga plano ng Medicare para sa gamot ay magsisimulang tutulong sa iyo na magbayad para sa mga gamot mo.

### Ang lahat ba ng mga tumatanggap ng benepisyo ay may “doughnut hole”?

- Ang mga tao na karapat-dapat para sa Medicare at Medi-Cal ay **walang mga puwang ng saklaw (o coverage gap) sa kanilang mga plano para sa gamot.**
- Ang mga tao na karapat-dapat para sa tulong na salapi mula sa Social Security para sa mga taong maliliit ang kita ay **walang mga puwang ng saklaw (o coverage gap) sa kanilang mga plano para sa gamot.**

## Magkano ang babayaran ko para sa plano ng Medicare Bahagi D para sa de-resetang gamot?

- Ang halaga ng pera na kailangan mong bayaran bawa't buwan (na tinatawag na *premyum*) ay maiiba depende sa napili mong plano.

## Paano kung kailangan ko ng tulong sa pagbayad ng aking plano para sa gamot ng Medicare o para sa aking mga de-resetang gamot?

May dagdag na tulong para sa mga taong maliliit ang kita, kagaya ng:

- Mga hindi kasal na taong nasa tamang edad na kumikita ng \$1,353.75 o mas kakaunti sa bawa't buwan at may \$12,510 o mas kakaunti pa na kayamanan (kagaya ng mga deposito sa bangko, mga saping-puhunan, at mga bond)
- Mga kasal na taong kumikita ng \$1,821.25 o mas kakaunti sa bawa't buwan at may \$25,010 o mas kakaunti pa na kayamanan (kagaya ng mga deposito sa bangko, mga saping-puhunan, at mga bond)

Maaari kang tumawag sa 1-800-SSA-1213 (1-800-772-1213) o pumunta sa [www.ssa.gov](http://www.ssa.gov) sa internet upang mag-aplay.

## Anong mga importanteng petsa ang dapat kong malaman?

### Oktubre 2009:

- Ang Medicare at ibang plano ng gamot ay magsisimulang magpadala sa koreo ng impormasyon ng programa na tungkol sa sasaklawin para sa taong 2010 ng kalendaryo.
- Ang Medicare ay magpapadala sa koreo ng "Medicare and You Handbook 2010" na magpapaliwanag sa lahat ng mga opsiyon ng Medicare na magagamit mo.

### Nobyembre 15 hanggang Disyembre 31, 2009:

- Maaari kang pumili ng plano o baguhin ang plano na mayroon ka na nitong

*bukas na panahon sa pagpaparehistro o open enrollment period*

## Ano ang maaaring magbago tungkol sa aking plano sa 2010?

Bawa't taon, maaaring magbago ang iyong plano. Maaaring kasama sa mga pagbabago ang:

- Mga de-resetang gamot na sinasaklaw ng plano (na tinatawag na *formulary*)
- Halaga ng pera na kailangan mong bayaran bawa't buwan upang maging kasapi ng plano (na tinatawag na *premyum*).
- Kabuuang halaga ng pera na kailangan mong bayaran bago magsisimulang bayaran ng iyong plano ang iyong mga gamot (na tinatawag na kakaltasin o *deductible*)
- Halaga ng pera na kailangan mong bayaran para sa gastusin ng bawa't reseta na iyong pinuno (na tinatawag na *kasamang-bayad o co-payment*).
- Listahan ng mga botika na makakapuno sa iyong mga reseta.
- Halaga ng dagdag na saklaw (kung mayroon man) na inaalok ng plano sa pamamagitan ng puwang sa saklaw para sa de-resetang gamot (o gap in prescription drug coverage) ng Medicare Bahagi D (na tinatawag na *doughnut hole*).

Mahalaga na tingnan mong mabuti ang iyong kasalukuyang plano at anumang mga pagbabago sa 2010 bago magpasiya kung papanatilihin mo ang iyong kasalukuyang plano o magpapalit ka sa isang bagong plano.

## Sino ang makokontak ko para sa karagdagang impormasyon tungkol sa pagpili ng tamang plano para sa akin?

Upang mahambing ang mga plano, maaari kang:

- Tumawag sa 1-800-MEDICARE (1-800-633-4227). Kailangang nasa kamay mo ang iyong Medicare kard.

- Kailangan mo rin ang isang listahan ng mga pangalan, mga dosis, at dami ng iyong mga de-resetang gamot
- Maaari mong makuha ang impormasyong ito mula sa iyong botika.
- Bumisita sa website ng Medicare ([www.medicare.gov](http://www.medicare.gov)) at gamitin ang tool na "Compare Prescription Drug Plans".
- Tumawag sa Health Insurance Counseling and Advocacy Program (HICAP) sa 1-800-434-0222. Ang HICAP ay isang grupong boluntaryo na nagbibigay ng walang-kinikilingang impormasyon tungkol sa Medicare.

*Ang impormasyong ito ay bigay sa inyo ng Partners in D at ng 7 paaralan ng parmasiya sa California. Ang dagdag na impormasyon tungkol sa programang ito ay makikita sa [www.partnersind.com](http://www.partnersind.com).*